

Broj: UP/I-05-13-1-332/24
Mostar, 12.08.2024. godine

Federalno ministarstvo energije, rudarstva i industrije, na osnovu člana 200. Zakona o upravnom postupku ("Službene novine Federacije BiH", br. 2/98, 48/99 i 61/22), člana 42. stav (4) Zakona o električnoj energiji Federacije Bosne i Hercegovine („Službene novine Federacije BiH“, broj 60/23) i člana 23. stav (4) Pravilnika o izdavanju energetske dozvole (Službene novine Federacije BiH“, broj 51/24) postupajući po zahtjevu privrednog društva D.o.o. „G&G Energija“ Bihać, sa sjedištem u ulici Džemaludina Čauševića 1, Bihać u predmetu izdavanja Energetske dozvole za izgradnju energetskog objekta „Vjetroelektrana Derala jug“ od 12.07.2024. godine i dopune zahtjeva od 17.07.2024. godine, donosi:

R J E Š E N J E

1. Izdaje se ENERGETSKA DOZVOLA privrednom društvu D.o.o. „G&G Energija“ Bihać, za izgradnju vjetroelektrane „Vjetroelektrana Derala jug“, instalisane snage 52,8 MW (8x6,6 MW), odobrene snage priključenja 52,8 MW, planirane godišnje proizvodnje električne energije od 166.143,92 MWh, a koja se planira graditi na području općine Bosansko Grahovo.
2. Energetska dozvola iz tačke 1. dispozitiva ovog rješenja izdaje se na period važenja od pet godina. Važenje energetske dozvole može se produžiti za period koji ne može biti duži od perioda važenja ove dozvole, nakon čega se više ne može produžavati.
3. Planirano vrijeme izgradnje elektrane iz tačke 1. dispozitiva ovog rješenja je do 31.12.2024.godine.
4. Imalac dozvole dužan je da saraduje i postupa po zahtjevima Ministarstva za dostavljanje podataka, te da obavijesti Ministarstvo o svim nastalim promjenama u vezi sa ispunjenjem kriterija za izdavanje energetske dozvole.
5. Imalac dozvole dužan je nakon završetka izgradnje elektrane o tome obavijestiti Ministarstvo i dostaviti odobrenje za upotrebu.
6. Ovo rješenje stupa na snagu danom donošenja i objavljuje se na web stranici Ministarstva.

O b r a z l o ž e n j e

Privredno društvo D.o.o. „G&G Energija“ Bihać, se zahtjevom od 12.07.2024. godine i dopunom zahtjeva od 17.07.2024. godine, podnesenim u propisanoj formi i obrascu, obratilo Federalnom ministarstvu energije, industrije i rudarstva (u daljnjem tekstu: Ministarstvo) za izdavanje Energetske dozvole za izgradnju vjetroelektrane „Vjetroelektrana Derala jug“, instalisane snage 52,8 MW (8x6,6 MW), odobrene snage priključenja 52,8 MW, planirane godišnje proizvodnje električne energije od 166.143,92 MWh, u skladu sa članom 42. stav (4) Zakona o električnoj energiji Federacije Bosne i Hercegovine („Službene novine Federacije BiH“, broj 60/23) i člana 23. stav (4) Pravilnika o izdavanju energetske dozvole (Službene novine Federacije BiH“, broj 51/24 - u daljem tekstu Pravilnik).

Uz predmetni zahtjev dostavljena je sljedeća dokumentacija:

- Ugovor o koncesiji, broj:05-04-2-17-166/11 od 19.03.2013. godine, potpisan između Ministarstva privrede Hercegbosanske županije i D.o.o. „G&G Energija“ Bihać,

- Aneks ugovora o koncesiji, broj:05-04-2-17-166/11 od 21.05.2018. godine, potpisan između Ministarstva privrede Hercegbosanske županije i D.o.o. „G&G Energija“ Bihać,
- Rješenje o okolinskoj dozvoli, broj: UPI 05/2-02-19-5-90/20 F.M.od 01.12.2020. godine, izdato od Federalnog ministarstva okoliša i turizma,
- Odgovor Agencije za vodno područje rijeke Save, broj: 40-49-2/23 od 12.01.2024. godine da nisu potrebni vodni akti,
- Urbanističku saglasnost, broj: UP1-03-19-2-1559/23 od 22.04.2024. godine, izdatu od Federalnog ministarstva prostornog uređenja,
- Izjavu o prihvatanju uslova za priključak korisnika na prenosnu mrežu 110 kV, 220 kV i 400 kV, od 30.04.2024. godine.

Uvidom u podneseni zahtjev Ministarstvo je utvrdilo da je zahtjev nepotpun i o tome obavjestilo ponosioca zahtjeva.

Privredno društvo D.o.o. „G&G Energija“ Bihać je dana 17.07.2024. godine dostavilo sljedeću dokumentaciju: Ovjerenu kopiju Uslova za priključak na prenosnu mrežu br: 120/24 od 17.04.2024. godine izdati od Elektroprijenos a.d. Banja Luka i ovjerenu kopiju Urbanističke saglasnosti, broj: UP1-03-19-2-1560/23 od 22.04.2024. godine izdatu od Federalnog ministarstva prostornog uređenja, isti je potpunio svoj zahtjev. Shodno članu 17. Pravilnika Ministarstvo je utvrdilo da je zahtjev potpun, te pristupilo ocjeni kriterija za izdavanje energetske dozvole propisanih članom 4. Pravilnika koji se odnose na:

- vrstu i korištenje primarnih izvora energije;
- sigurnost elektroenergetskog sistema, postrojenje i prateće opreme;
- mogućnost priključene na elektroenergetski sistem;
- lokaciju i upotrebu zemljišta;
- zaštitu okoliša i osiguranje trajne kontrole uticaja na okoliš;
- energetska efikasnost;
- kvalifikovanost podnosioca zahtjeva;
- doprinos ispunjenju ciljeva u korištenju obnovljivih izvora energije;
- doprinos smanjenju emisija stakleničih i štetnih gasova i čestica.

Na osnovu priložene dokumentacije dostavljene uz zahtjev i dopuni zahtjeva, Ministarstvo je utvrdilo da su ispunjeni kriteriji za izdavanje energetske dozvole, te u skladu sa čl. 19. i 20. Pravilnika, Ministarstvo je utvrdilo nacrt energetske dozvole, broj: 05-13-1-24/24 od 19.07.2024. godine, obavjestilo podnosioca zahtjeva pisanim putem o utvrđenom nacrtu energetske dozvole za izgradnju vjetroelektrane „Vjetroelektrana Derala jug“ privrednog društva D.o.o. „G&G Energija“ Bihać, te objavilo Obavještenje za javnost na svojoj internet stranici.

U roku za dostavljanje komentara, naznačenom u Obavještenju za javnost, Ministarstvo nije zaprimilo komentare na utvrđeni nacrt energetske dozvole, kao ni zahtjev za sticanje statusa umješaka od strane zainteresovanih lica. U skladu sa članom 22. Pravilnika, Ministarstvo je odlučilo da nije potrebno održati javnu raspravu u postupku izdavanja energetske dozvole za izgradnju vjetroelektrane „Vjetroelektrana Derala jug“, instalisane snage 52,8 MW (8x6,6 MW), odobrene snage priključenja 52,8 MW, planirane godišnje proizvodnje električne energije od 166.143,92 MWh, a koja se planira graditi na području općine Bosansko Grahovo.

Na osnovu navedenog, odlučeno je kao u dispozitivu ovog rješenja.

Podnosilac zahtjeva uplatio je federalnu upravnu taksu propisanu Zakonom o federalnim upravnim taksama i Tarifni federalnih upravnih taksi („Službene novine Federacije BiH“, br. 6/98, 8/00, 45/10, 43/13 i 98/17), na podnijeti zahtjev po tarifnom broju 24.a u iznosu od 10,00 KM.

Pouka o pravnom lijeku

Ovo rješenje je konačno u upravnom postupku i protiv njega nije dozvoljena žalba, ali nezadovoljna stranka može pokrenuti upravni spor podnošenjem tužbe. Tužba se podnosi

Kantonalnem sudu u Mostaru u roku od 30 dana od dana prijema ovog rješenja. Uz tužbu se prilaže i ovo rješenje u prepisu ili kopiji.

MINISTAR

Vedran Lakić

